

Universitätsbibliothek Paderborn

M. Fabii Quintiliani Institutionum Oratoriarum Libri Duodecim

Summa diligentia ad fidem vetustissimorum codicum recogniti ac restituti

M. Fab. Quintiliani Declamationes Undeviginti. M. Fabii Avi Et Calpurnii
Flacci Declamationes. Auctoris Incerti Dialogus De causis corruptae
Eloquentiae - Cvm Variorum Notis

Quintilianus, Marcus Fabius

Lugd. Batav. ; Roterodami, 1665

CCLXXIII. Debitor adulter.

urn:nbn:de:hbz:466:1-12889

CCLXXXIII.

Debitor adulter.

MARITUS DEPREHENSI ADULTERI BONA POSSIDEAT.
 ADVERSUS SPONSOREM SIT ACTIO QUAE ADVERSUS
 DEBITOREM. QUOD DEBITOR NON SOLVERIT, SPON-
 SOR SOLVAT. Quidam debitorem suum in adulterio deprehen-
 dit, Bona omnia ex lege occupavit: petit debitum ab sponsore.
 Ille C. D.

SERMO.

Priusquam venimus ad causam, preparare debemus animum
 judicis, pro ipsa persona sponsoris.

DECLAMATIO.

Etitur à nobis pecunia, quam non accepimus, non
 consumpsimus, non in illum rerum nostrarum usum
 convertimus. Etiam cum istud periculum est sponsoris,
 miserabile est, 'bonitate labitur, humanitate conturbat.
 Hoc quo pertinet? non ut extorqueam vobis, judices, re-
 ligionem: sed ut intelligatis, quod profecto cognoscitis,

non

*1 Bonitate labitur, humanitate contur-
 bat.*] Cum pecunia credita ad sponsoris
 fidejussoris periculum pertinet, hoc
 ipsum, inquit, miserabile est; qui quia
 nimium bonus, beneficus ac liberalis
 fuit, ideo facultatibus labitur, & con-
 turbat, non ob suum debitum, sed alien-
 um: & principalis debitoris vel perfidi-
 a, vel contumacia. Conturbare autem
 is dicitur, cuius fractæ sunt ratio-
 nes, & qui seu aliena injuria seu vitio
 suo, ad egestatem redactus est. Hinc na-
 ta locutio, quod cum antiqui magnam
 diligentiam adhiberent tabulis & ratio-
 nibus conficiendis (uti ex Asconio ipso
 videre est) in quibus nominum & obli-
 gationum, quin etiam actionum om-
 nium quotidiarum, separata & dispo-
 sita erant capita: qui iam in iis nullum
 teneret modum, & cuius accepti quam
 expensi ita ampliores essent rationes, ut
 nulla spes unquam pariationis esset:

factum est ut is rationes conturbasse di-
 ceretur, eo exemplo, quo signa testa-
 menti conturbata & totum jus contur-
 batum appellamus. I. ad testium. §. si
 signa. ff. de testam. Pertinet potissimum
 hæc locutio ad servos, qui pecuniam
 præsentem à dominis acceptam, ut par-
 ticulatim confecta ratione huc illucque
 impendant, dissipant tamen, & nulla
 mensura collocant. Ulpianus in l. cui-
 cunque. §. item Labeo de instit. actio.
 Alphenus in l. quidam fundum, de in-
 rem verso. Cicero lib. 2. epist. ad Q.
 fra. Iocum autem illius de sua egestate,
 ne sis aspernatus. ad quem ego rescripsi,
 nihil esse quod postea arcæ nostræ fidu-
 cia conturbaret. Cælius ad Ciceronis
 lib. 8. epist. penult. Si aliquid apud te
 nos, si vir optimus gener tuus valer, eo-
 rum fortunas non debes velle contur-
 bare. Græci ζεσογνεῖον appellant.

Zadins.

Bb 2

non esse exigendum à sponsore creditum, nisi jure summo. De quo priusquam loquor, etiamnum ea, quæ humanitatis & consuetudinis gratia dici solent, non omitto. Debitorum appellasti: cum ipso cui dederas pecuniam egisti. Non enim aliter salvo pudore ad sponsorem venit creditor, quam si recipere à debitore non possit. Inhumane exigis, injuste petis: pecuniam quam credideras, receperisti: nihil mea interest, qua via quicquid est istud quod à te ad debitorem tuum peryenit, penes te est. Sponsor porro in hoc accipitur, ne creditor in damno sit. Vis scire quam sponsorem appellare non possis? debitorem appellare non potes, & quoniam confitendum est eandem esse causam meam quam debitoris, nec tu aliud videri vis: volo sic agere, tanquam petas à debitore semota illa ratione, quod honestior persona sponsoris est: detracto eo quod debitor adulter est, quod deprehensus est, quod punitus est. Fingamus ergo petere te à debitore, cujus nos sponsores sumus: respondere pro debitore tuo volo. Recepisti: omnia quæcunque possedi, ad te transierunt: ¹in his quæ possedi, erat debitum tuum: totum habes, imo plus habes: adversum hæc quid respondes? Lege mihi bona debitoris tradita sunt, quoniam eum in adulterio deprehendi. Non facimus legi istam controversiam: quid tamen continet? ut ad te bona debitoris pertineant. Bona porro quæ sunt? ut opinor, ea quæ detractis alienis deprehensa sunt. Finge alium creditorem fuisse ejus, quem tu deprehendisti: num dubium est, quin, quamvis ad te bona pertinerent adulteri, recepturus tamen suum creditor fuerit? Ponamus enim nunc debitorem sine sponso: ²rationem, ut opinor, deponeres, detracto ære alieno omni, detractis

¹ In his, quæ possedi, erat debitum tuum. Scribe, creditum tuum. Gron.

² Rationem, ut opinor, deponeres. Hoc quid esse vellet, vellem explicuisset Pithœus, qui fecit Thaddœus; Ponamus,

enim debitorem sine sponsore rationem (ut opinor) detracto. Unde Arodius: Ponamus cum debitor, sine sponso, rationem: ut opinor detracto ære alieno. Quo nihil possit fieri commodius. Idem.

oneribus bonorum, quod residuum ex patrimonio fuisset, id tibi lex concederet. ¹ Quem igitur calculum cum alio posuisti, ponas necesse est tecum: nam patrimonii in alium transituri ea ratio est, ut primum credito satisfiat. Partem tanquam debitor solvit, partem tanquam creditor accipis. Etiam nunc singamus alios creditores, & nihil in patrimonio quod superfit: id ut manifestius atque apertius dicam, sint possessiones huic deprehenso, sint mancipia, suppellex: sit \ae s alienum, cui \ae ri alieno non sufficiant ea, quae in patrimonio sunt: occupabis mancipia, occupabis suppellectilem, creditores inanes excuties, atque dimittes? Non potest hoc \ae quum videri tibimetipsi f\oeneranti. Omnia igitur ea, quae apparerent, in creditum & in \ae s alienum transiissent: tu quamvis legem haberes, qua tibi adulteri bona deberentur, nihil tamen ex his adulteri bonis, qui nihil haberet, receperisses. Sic ergo tecum debitor tuus loquitur. Bona mea, id est, quod liberum in patrimonio meo est, & quod propri\ea meum, ad te transire debet, ² lege prius solvo: & quid interest ego solvam, an tu auferas? non debet ergo tibi is, cui pecuniam credidisti: multo minus ego qui profecto solitus sum, si alter jam solvit. Quid enim alioquin facere me vis? integro statu debitoris mei, si a me petere maluisses, ad debitorem reverterer: si debitor deceperit, & bona ejus ad h\ereditem pervenirent, ad h\ereditem redisse, id est, bona persequerer patrimonii, pro quo ego spospondi. ³ Idem es reus a quo fui repetiturus, si quid tanquam sponsor solvissem: nunc ad te transiit patrimonium: nunc coepisti vicem habere h\ereditis. Quid enim interest, jure testamenti a defuncto veniat ad te h\ereditas, an lege a vivente? si patrimonium mihi persequi licet,

¹ Quem igitur calculum cum alio posuisti.] Scribe, posuisses. Idem.

² Lege prius solvo.] A\erodius, \ae re prius soluto. Quod placeret, si \ae s simpli- citer dici possit pro \ae re alieno. Sed po-

tius distingue: & quod proprio meum, ad te transire debet lege. Prius solvo. hoc est, detraho \ae s alienum. Idem.

³ Idem es reus.] Lege; idem esse reus. Idem.

licet, ad te redeam necesse est: ita istud quod accipere non potes, si posses accipere, solveres.

S E R M O.

Hæc de jure: illa jam de circumscriptione hujus sponsoris.

D E C L A M A T I O.

Ego fortiter spopondi sine periculo pro eo homine qui bona habebat: tu quoisque avaritiam perduxisti? Parum est fœnerare civibus, sine aliqua tua fraude factum videbitur, ut qui aliena pecunia utebatur, incideret in hoc potissimum adulterium? Sed inciderit sane: neque enim mihi causa pro ullo hodie dicenda est. Quod protulisti habes: & plus quam protulisti habes, est quod in rationes tuas, tanquam creditor, referas: est quod in lucrum, tanquam maritus, referas.

C C L X X I V.

Tyrannus fulminatus.

Q U O Q U I S L O C O F U L M I N E I C T U S F U E R I T , E O D E M S E P E L I A T U R . T Y R A N N I C O R P U S E X T R A F I N E S A B J I C I A T U R . Tyrannus in foro fulminatus est: quæritur an eodem loco sepeliatur.

S E R M O.

In legum comparatione multa quæri possunt, sed varie in quæque controversia. Interim quæri solet, an privata altera, altera publica sit: & utrum militaris altera, altera pertinens ad civilia officia. Hic omnia fere cætera paria sunt: utra utilior & magis necessaria civitati sit, quærendum est.

D E C L A M A T I O.

N Ondum rem comparo: interim utrum magis necessarium putatis esse, servari eam legem, quæ ad sepulturam alicujus pertineat, an eam, quæ ad poenam tyranni? si in totum lex altera tollenda sit, 'nec in præsens modo

I. Hæc præsens.] Malim, nec in præsens modo tempus, sed in univers. sine nit. and. fac. civ. stabit? Pith.